

SOLO Di Pueblo Bahul di recuerdo

Olga Tromp, Miss Schlitz, Reina di Carnaval 1956



Awe den nos bahul di recuerdo nos a encontra cu un otro hoy a cu a marca historia como Reina di Carnaval. Un hobon porcierto di San Nicolas cu ta biba na Cura Cabai No.6 a wordo acerca pa sr. Esy Wever di La Esperanza na Pos Chiquito pa representa Aruba Social Club. Asina tambe e organizacion aki a acerca Leo Kuiperi di Aruba Trading pa por a haya e cerbez Schlitz como sponsor. Un sorpresa grandi tabata e anochi aki na momento cu Prins (Puppy) Puppy Diaz y Pancho (Jani) Jani Arends a eligi Oga Tromp di apenas 17 aña di edad como Reina di Carnaval 1956. Olga ta bay back den tempo y ta recorda e momento special aki di su bida. Olga a yega stadion hopi laat debi cu na e momento nan ey e tabata traha cu Schlitz na Aruba Trading.

Aunke cu e ta bay representa Schlitz di Aruba Trading, toch ta 6'or di atardi a permiti Olga pa bandona trabao pa bay prepara su mes. Olga no mester a bende votos pa sali reina, Olga a wordo escogi y corona como Miss Schlitz. Un total di 22 candidata bunita mes a competi e anochi aki. E competencia tabata masha fuerte. Un candidata fuerte competente e anochi aki tabata Myrna Does di Viceroy cu a resulta como Runner-Up. E huradonan tabata turistanan recién yega riba barconan manera Santa Rosa y Santa Paula. Olga ta corda cu el'a konkista curazon di un di e huradonan cual tabata esun di Haiti, mr. Ecury. Su mayornan Gudelia y Angel Tromp na prome instante tabata contra pa e participa sin embargo na caminda nan a apoy'e totalmente.

Olga a yega stadion den su convertibel capa baha, den su traha elegante mes, confecciona pa Betty Wever di San Nicolas. Su peinado y maquiyah tabata bao encargo di Aura Maduro cu tabata ex-empleado di Maggy's. Olga ta expresa enfaticamente cu e tabata masha natural sin pone nada falso. Na su trabao na Aruba Trading Olga a conoce un señora Frances y e señora aki a pone un buki riba Olga su cabez y pone buki den su man pa asina Olga por siña con pa cana recht. Na momento cu Olga a sali reina hopi hende a bisa cu ta su bisti cu e strik grandi ariba y su speech a yud'e pa e konkista e corona. Otro detaye mas cu Olga ta corda ta cu su persona ta e prome candidata cu a tira sunchi pa hurado y publico. Olga ta corda tambe cu net despues

di su presentacion oficial su hilchi di zapato a kibra y eynan ta na unda cu Olga a papia duro cu prins y pancho pa disimula nan mirada y pa no keda waak su pia. Su mantel tabata confecciona door di sra. Van Blareum y su corona traha di material di bleki pa Juan Noguera. Olga a ricibi como premio un holoshi di oro, renchi diamanta, un armband cu Reina di Carnaval '56 graba riba dje y un trip pa Venezuela y Curaçao.

Olga awe ta felizmente casa



cu Walter Wong y 2 di Juni di 2007, si Dios kier, nan ta cumpliendo boda di oro: 50 aña di feliz bida matrimonial. E ta mama di 2 yiu, Andy (47) y Debbie (45). Olga ta ama di cas y a biba na St. Croix di aña 1974 pa

1980 y na Sur Arabia di aña 1980 pa 1991. Despues el'a bay atrobe St. Croix di 1992 pa 1997, companando su casa cu ta traha cu compania di petroleo 'Aramco'. For di aña 1997 Olga ta biba riba su dushi isla di Aruba

den su palacio den Wayaca Residence. Olga ta recibi un fuerte abrazo y sunchi di su casa y su yuana. Su casa Walter ta orguyoso cu su casa ta Reina di Carnaval 1956 y alavez pa semper Olga ta e Reina di su curazon.

SOLO Di Pueblo Bahul di recuerdo

Rika Veger Reina di Carnaval 1957



Buscando den nos bahul di recuerdo nos ta encontra un otro prenda precioso. Tabata e tercer aña cu Aruba ta celebra carnaval. Tabata riba un diahuebs anochi den Wilhelmina Stadion riba tononan di steelband y bao di grito di fanaticonan, maestro di ceremonia a cuminsa yama e 19 candidatanan riba stage pa asina spera e resultado final. Prins (Papi) den persona di Papi Winterdal y Pancho (Reggie) den persona di Reggie Orman a cuminsa bula rond di e candidatanan riba stage. Tabata reina un tremendo tension bao di e candidatanan. Nan tur aspirando pa bira reina di carnaval. Gran sorpresa di anochi tabata e momento cu Prins y pancho a bin dilanti cu Rika Veger di 21 aña di edad representando Heineken como Reina Di Carnaval 1957. Rika, un hoben di De La Sallestraat na Playa ta recorda e momento special aki di



Rika Veger nos flamante Reina di Carnaval 1957 den compania di su nietonan Walter Jr. Amber y Zyrla.



su bida. Heineken a pidi su amiga Stella Croes pa eleccion di reina sinembargo pa motibonan personal Stella no por a participa y Stella ta pidi su amiga Rika pa representa Heineken. Asina tambe personanan encarga cu Heineken a yama Rika na su trabao na Algemene Zaken pa confirma su representacion pa Heineken den eleccion di reina. Rika a acepta mesora y despues di

trabao Rika a conta su mama Tervinia Henriquez cu e lo bay representa Heineken. Un problema chikito a surgi na momento cu Rika a anuncia su participacion pa reina na su comprometido, Jani Brokke. Sr. Brokke a pone pia abao y a bisa Rika pa no participa. Sinembargo Rika a laga sr. Brokke sa cu e mester scoge pasobra Rika a dicidi cu e no ta hala atras y e ta bay competi. No a keda Jani nada

otro di apoya su 'chick'. Un chick asina bo no ta laga bay facil. E anochi di eleccion Rika a yega Wilhelmina Stadion den un convertibel cu capa baha y a luci den un bistir blanco masha elegante mes, confecciona pa Olinda Kock di Santa Cruz. Su peinado y maquiyah tabata na encargo di su propio mama Tervinia. E candidata Eugenia Tromp tabata su fuerte competencia. Rika a ricibi como regalo un

renchi diamanta, un holoshi y un pasashi pa Venezuela. Algo cu nunca Rika ta lubida net na e momento cu su persona mester a bay baño, un 'waarzegster' di Peru a bin tras di stage cerca e candidatanan y nan a puntra e 'waarzegster' kende ta bira reina awe nochi? Nan a puntre den cual grupo e reina ta? E grupo para na man robez of esun para na man drechi di e stage? E waarzegster

ta sacudi cabez y ta bisa cu e 'REINA' no ta den ningun di e dos grupo. Net ora cu Rika a acerca su mes na e grupo di candidatanan e waarzegster a bisa na Spaño: Usted sera la reina esta noche. Rika mes no a worry cu e palabranan kai. Den su nervio e no ni a scucha drechi. Pero na e momento cu el'a ser eligi, ela corda riba palabranan di e 'waarzegster'. Te awe ainda e palabranan ta zona den su horea. Rika a ser corona pa Capeis Laele, un prins di añanan anterior. Rika ta 48 aña felizmente casa cu Jani Brokke y di tal matrimonio tin dos yiu: Catheline (36) y Walter (41) y e tin tres nieto: Walter Jr. (10), Amber (7) y Zyrla (4). Nan ta manda un fuerte abrazo y pa nan abuelita.

Nan ta manda bis'e cu nan Brokke, e ta manda bisa ta orguyoso din an abuelita. Rika cu e lo keda semper Di parti di su casa, Jani e reina di su curazon.



SOLO Di Pueblo Bahul di recuerdo

Alicia Dijkhoff

Reina Di Carnaval 1959



Ya pa varios dia lectornan por a aprecia diferente reina di nos bahul di recuerdo. E reaccionnan ta hopi gradni bao di e ex reinanan. Den bahul di recuerdo awe nos ta encontra cu un precioso perla.

Tabata den e celebracion di e prome lustro di nos carnaval den aña 1959, na unda un grupo di 8 mucha muher bunita a participa den e eleccion pa reina di carnaval. Na final di anochi Prins (Rudy) Rudy Mac Donald y Pancho (Roy) Roy

de Kort a eligi Alicia Dijkhoff "Primera" di 19 aña di edad representando Viceroy como e di cinco Reina di Carnaval 1959. Alicia ta recorda cu na e

momento ey el'a mira su fanaticonan di Jeugd Centrum Tanki Leendert cu a bay apoye bay laira di alegria. Alicia tambe a yega Wilhemina Stadion den un convertibel capa baha masha elegante mes den su trahe oficial blanco, bisti cu handschoen.

Su trahe a wordo confecciona pa Dolores Arends y peinado y maquiyah pa Maggy's. Su tata tabata un persona hopi streng y no a gusta e idea pa su yiu muher participa den e eleccion sinembargo su mayornan Modesto y Catarina Dijkhoff tabata feliz y hopi orguyoso di nan yiu muher Alicia cu e triunfo aki. Alicia su competencia fuerte tabata Betsy Blakely di Caribe Club cu a resulta primera finalista. Gezaghebber temporario, Toechie Arends a efectua e acto di coronacion y despues a baila cu Alicia. Alicia a recibí un valioso renchi di diamante sponsored pa Viana Auto-Supply como regalo di cual



te dia di awe e tin e renchi bisti. Alicia a dreña sector hotelero na unda el'a traha 12 aña

na Aruba Beach Club y 12 aña na Hyatt. Alicia ta mama di un yiu, Ohaya (36). Alicia su cuatro

nietonan: Rosaliz (16), Beverley (12), Raquel (8) y Jonathan(5) ta sinti nan mes masha orguyoso di nan

abuelita cu e gran triunfo aki y nan ta manda un fuerte abrazo y sunchi pa nan abuelita y ta manda bisa nan abuelita cu nan ta



stime masha hopi mes y cu nan ta sumamente

orguyoso di por ta nieto di Reina di Carnaval 1959.



SOLO Di Pueblo Bahul di recuerdo

Gladys Kock Reina Di Carnaval 1961 Representando Viceroy



Riba un diabierna anochi, den Wilhelmina Stadion, dilanti un publico grandi, un hoben di Savaneta, Gladys Kock, di apenas 19 aña di edad, a konkista curazon di cinco miembro di hurado y asina a wordo eligi como e di seis Reina di Carnaval di Aruba. Gladys ta recorda e momentonan masha especial aki di su bida, na unda el'a yega stadion den un Convertible, capa baha, den su trahe oficial blanco, masha elegante mes, confecciona pa un señora di Venezuela, kende tabata biba den Weststraat, net banda di ex-Vanidades. Su peinado y maquiyah tabata na encargo di Aura Croes den Caribbean Hotel. Pa e anochi aki tabata tin un grupo di 15 candidata bunita manera Rosalba Arends di Savaneta y Omira Habibe di Tivoli. Lorenzo Arends y su señora Lisbia, di Firma Mario's, agente di Viceroy, a acerca sr. Evaristo y sra. Maria, mayornan di Gladys, cu e peticion pa Gladys por representa Viceroy. E mayornan na prome instante tabata contra pa nan yiu competi, pues participa pa reina, pero toch despues nan a wordo convenci door di Donnie Lacle y sra. Lisbia. Antes eleccion di reina tabata algo masha elegante. Mester cana bay patras sin waak e stoel y disimuladamente e candidata mester touch pia di e stoel y un hende ta fluister e reina of dun'e señal bisando pa e "sinta awor". Tabata un gran sorpresa pa Gladys na e momento cu Prins (Nes) Ernesto Bareño y Pancho (Edwin) Edwin Angela, a eligi su



persona como Reina di Aruba su Carnaval. Acto di coronacion a ser efectua pa e director di LAGO cu semper ta haci esaki. Despues di a ser eligi, Gladys a expresa su mes na e publico presente cu algun palabra di danki y alegria. Gladys ta pensa bek riba e tempo ey y ta recorda cu e fiesta a continua den Tivoli Club. Algo cu ainda Gladys ta corda cu no a cay na su agrado tabata e momento cu el'a drenta den Club di Tivoli unda varios miembro di famia Arends a bandona e club pasobra nan no tabata di acuerdo cu e triunfo

di Gladys.

Gladys a traha 8 aña na Wimco y 3 aña na Foto El Globo situa unda awor ta Penha. Actualmente Gladys ta ama di casy felizmente casa ya 34 aña cu dokter di cas di Distrito Noord, dr. Theo Lin. Gladys ta mama di 2 yiu muher, Nataly (33) (agente policial) y Sue-Ann (30) y e tin un preciosa nieta, Mei-Lynn di apenas 3 luna. Nan tur ta manda un sunchi y fuerte abrazo pa nan señora mama y nan tur ta hopi orguyoso di por ta yiu di Gladys Kock Reina di Carnaval 1961.



Sue-Ann y Roberto Solognier (Agente Policial) hunto cu nan babygirl Mei-lynn, Gladys (Reina 1961) Dr.Lin y Nataly



SOLO Di Pueblo Bahul di recuerdo

Recordando Linda Maduro, Reina di Carnaval na aña 1962, representando Club Estrella di Sta. Cruz



#46 cu a representa Club Estrella. Linda ta yiu muher di sr. Hendrik y sra. Jaunita kendenan tabata masha orguyoso cu e triunfo di nan yiu muher. Linda cu hopi nostalgia ta recorda e dushi momento ey di su bida na unda cu su persona ta esun cu a bende mas voto y asina a bira reina di Club Estrella hayando e oportunidad pa representa Club Estrella den eleccion pa reina di carnaval. E anochi di eleccion tabata uno sumamente elegante. Linda a yega stadion den su bistir blanco masha

elegante mes den un auto convertibel cu capa baha. Su competencia fuerte tabata nos minister Ella Tromp Yazagaray, representando Hubentud Cristian.

Den oranan laat di anochi Prins (Chupadede) Richard Salas y Pancho (Lollipop) Armando Villasmil a elegi Ella Tromp como First Runner-up y Linda Maduro, representante di Club Estrella a konkista e titulo maximo di reina di carnaval 1962.

E acto di coronacion a ser efectua door di sr. Wichie

Croes. Su bistir a wordo confecciona pa juffrouw Nena Vrolijk, mientras su maquillaje tabata den man di Maggy's y su peluquero tabata Aura Croes. Awe Linda ta felizmente casa cu Salamon De Castro y ta mama di 2 yiu: Solange (37) y Sivano (33). Su cuatro nietonan Maikel (14), Naomi (7), Edmee (6) y Samantha (1) ta manda un abrazo fuerte y sunchi pa nan abuelita y nan ta sinti nan mes orguyoso di por ta nieto di Reina di Carnaval 1962.



Ta un honor pa nos presenta otro prenda for di nos Bahul di recuerdo.

Ta exactamente 45 aña pasa cu e pueblo di Santa Cruz a sinti su mes hopi orguyoso

na momento cu pa prome biaha Santa Cruz a konkista e titulo di reina di carnaval 1962 den persona di Linda Maduro di 19 aña di edad. Un mucha muher di Siribana



SOL Di Pueblo

Bahul di recuerdo

Enid Marugg

representando Tivoli Club, Reina di Carnaval 1963



Den bahul di recuerdo nos a encontra otro hoyu cu a marca historia den añanan sesenta. Tabata riba un diabierna anochi, 22 di Februari 1963 den un Wilhelmina Stadion rand rand di fanatico. Prins (Cobito) Jacobo Giel y Pancho (Mundo) Mundo Eckmeyer a eligi Enid Marugg, un hoben di 19 aña di edad como Reina Di carnaval 1963. Enid ta recorda momento special aki di su bida manera cu tabata ayera. Nan tabata 8 candidata bunita pa competi cu otro y esnan fuerte pa e corona tabata Ina Van Wijk (La fama) y Erna Van Heeswijk (Club Caribe). Enid a yega stadion den convertibel capa baha luciendo su bistir blanco masha elegante mes confecciona pa Fanny, ruman muher di Roland Lacle. Mientras cu Aura Croes hunto cu su tantanan tabata encarga cu su peinado y maquiyahé. Tabata tin seis hurado extranhero y e president di hurado tabata abogado Mohamed di Aruba. E miembronan di Tivoli no por a bay apoya Enid debi

cu Tivoli tabata tin un fiesta cu semper tabata ser realiza riba e mes un anochi di eleccion di Reina di Carnaval, 'Mamaracho'. Despues di coronacion Enid a dirigi su mes mesora pa e fiesta di mamaracho cu tabata tumando lugar e momento nan ey na Club Tivoli na unda miembronan a recibi nan Reina cu un gran aplauso. Apesar cu Enid ya tabata Reina di Lions y Reina di peluquero (Aruba Beautition Queen na aña '62, toch tabata hopi timido pa bay competi pa reina. Tabata su tio, Maiky y Ada Croes cu a encurasha Enid pa bay competi pa reina di Carnaval. Un di e emocion mas grandi pa Enid tabata gana e auto Fiat como e premio maximo pero debi cu e auto ta hopi chikito, Enid a hiba e auto bek pa Viana y a saca un auto mas grandi y a keda paga esaki den un cuota mensual. Riba e tononan di steel-band Enid a habri parada No. 9 di carnaval di



Aruba luciendo masha bunita mes riba su carosa y a recibi fuerte aplauso di e publico banda di caminda. Enid tin 25 aña activo cu Aruba Tivoli Club den Lighting Parade. Enid Marugg keto bay luciendo manera un reina ta felizmente casa cu Robert "Chobbi" Croes, propietario di Antraco Aruba Group. E ta mama di 2 yiu y un abuelita feliz di 3 nieto Liam (3) Marielsa (3) y Lucas (1). Henter famia ta manda un fuerte abrazo y sunchi pa nan mama abuelita y nan ta sumamente orguyoso di por ta e yiu y nieto di Reina di Carnaval 1963



Feliz abuelita Enid Marugg Reina di Carnaval 1963 den compania di su nietonan





Dorinda Croes, Reina di Carnaval 1965



Dorinda Croes tabata tin apenas 18 aña di edad y tabata miembro activo di Aruba Tivoli Club. Dorinda ta recorda cu e anochi pa scoge reina di Tivoli su persona tabata yuda su amiga bende voto pa asina su amiga por logra bira reina di Tivoli Club. Tabata un sorpresa grandi pa Dorinda cu na final di anochi ta su persona mes a keda eligi como reina di Tivoli Club. Mayornan di Dorinda, sra. Aura y Frans Croes tabata na cas na momento cu nan a ricibi un yamada di

telefono informando nan cu nan yiu Dorinda a bira reina di Tivoli Club. Na promer instante mayornan di Dorinda no tabata di acuerdo pero despues toch a apoya nan yiu muher totalmente. Dorinda ta recorda cu riba e dia di eleccion pa reina di carnaval, su sra. Mama den intento pa prepara su yiu muher lo mehor posibel a tuma e decision pa 'straight' Dorinda su cabey. Despues mama Aura kier a haci un mihor trabao y a dicidi pa bolbe 'straight'

Dorinda su cabey pa di segundo vez. Na e momento aki Dorinda a cuminsa yora ora cu el'a ripara cu un parti chikito na su cabez tabata casi pelon. Sin embargo mama Aura como un peluquero profesional a logra camufla y haci un peinado espectacular pa su yiu Dorinda. Maquiyah tabata na encargo di Edith Kock. Dorinda su bistir tabata color blanco bunita confecciona pa sra. Lichie Oduber. Na momento cu Susana Guitierrez tabata yuda Dorinda pa bisti su bistir envez di wanta e bistir cu un preke, Susana a hinca su propio dede cu preke. Sanger a bolter y Dorinda a spanta! Ta yen di recuerdo Dorinda tabata tin. Na momento cu Dorinda a bay pa bisti su zapatonan, Dorinda a dal un grito y spanta!



Wel, na momento cu zapato, el'a encontra un e tabata cla pa bisti su scorpion den su zapato.



Cu tur e susto aki, ainda Dorinda mester yega stadion anto cu un 'smile' sin musta na su cara cu e tabata morto spanta ainda di a mira un scorpion. Dorinda a yega stadion den un convertibel cu capa baha. Dorinda a subi e escenario pa competi luciendo su trahe blanco. Junior, yiu di Milo Croes tabata para abao dilanti di e escenario y cu un palo tabata subi un buket di flor pa e candidatanan. E candidatanan mester a zak sin dobla nan lomba pa asina ricibi e buket y pa asina cana bay atras cu lomba, sin bira lomba pa publico, pa asina bay sinta riba un stoel. Dorinda ta recorda cu e



aña aki, dia di eleccion a cambia di diabierna pa diahuebs. Asina tambe a bira posibel cu tur miembro por a bay apoy'e debi cu diabierna tabata e dia cu Tivoli tabata tin nan gran fiesta di mamaracho. Loke

Dorinda ta corda cu e tabata prome candidata cu tabata tin un banda di marinierskamp pa apoy'e. Riba ritmo di steelband tocando e cancion "Archie, back me up" ocho candidata a ser yama riba stage. Prins Pegasaya, den persona di Guito Paris y Pancho Bringamosa den persona di Federico Wever a cuminsa bula rond riba stage causando un gran tension bao di e candidatanan.

Na momento di bay scoge reina di carnaval, Prins y Pancho a baila bay den direccion di Helen Dongen y a scoge Helen di Bonaire Club como Runner-up. Despues tambe tabata tin un tardanza grandi pa eligi e reina. A resulta cu prins y pancho tabata pertenecena Club Caribe y no tabata di acuerdo



Awe ainda Dorinda keto bay ta luciendo manera un reina felizmente casa cu Harry James Woiski y ta mama di tres yiu, Charisma, Mallory y Harry James.

Dorinda keto bay ta manehando su propio negoshi 'Charisma Haute Coiffeur' situa na Van Deventorstraat 7.

Dorinda ta feliz abuelita di Guen di apenas 3 aña di edad.

E potretnan ta muestra e momentonan di tension y alegria di Dorinda.

cu decision di e hurado, pues cu reina di Tivoli Club lo bira reina di carnaval. Aki a solicita presencia di polis pa asina pone presion riba prins y pancho pa eligi e reina di carnaval. Net algo despues di 12'or, mey anochi prins y pancho merecidamente ta trek mannan di srta. Dorinda Croes, como Reina di Carnaval 1965. Dorinda asina tambe a ricibi un auto Fiat como premio.

Den e mesun aña aki Dorinda a participa tambe na eleccion di Miss Aruba y Dorinda a bira e ganadora. Asina Dorinda por a representa Aruba den Miss Universe na Miami.



SOLO Di Pueblo Bahul di recuerdo

Jean Lacle Reina Juvenil '65 y Reina di Carnaval '67



un hoben di apenas 16 aña di edad tabata pertenece na un grupo di hubentud di Santa Cruz, Jolly Teeners. Jean tabata e hoben cu a bende mas voto pa Jolly Teeners y asina a haya e oportunidad pa bay stadion pa representa su organizacion. Mayoman di Jean, Poli y Catrien a apoya Jean totalmente. E mama Catrien tabata asina entusiasma cu sin sa si Jean lo sali pa representa Jolly Teeners ya a cumenza prepara por ehempel su bistir oficial pa e competi na Stadion. E anochi di eleccion di reina juvenil, Olga Oduber den Aura's Beauty Salon tabata encarga cu su peinado y maquiyah. E anochi ey un sorpresa grandi tabata e momento cu Prins (Catochi) Nelo Loepstok y Pancho (Choqueque), Percy Jeandor a eligi Jane como Reina Juvenil di Carnival. Dos aña despues Jean ya cu hopi experiencia ta haya e oportunidad atrobe pa bay representa Club Estrella di Santa Cruz y Jane ta corda cu Panchito a para un flatbom riba e tereno banda di Cursus Succes. Esaki a yena full cu fanatico, manera vruminga riba e flatbom cual a keda lastra door di Aiky Croes

caminda pa stadion pa apoya Jean. Riba e anochi precioso Jean tambe a yega stadion den un convertible cu capa baha den su bistir blanco y elegante, confecciona un biaha mas pa su propio mama Catrien y sra. Mani di Janchi Croes. Otro persona cu a apoya Jean totalmente tabata su ruman, Inca Wernet. Su maquiyah tabata bao encargo di Edith Kock mientras su peluquero tabata Ina Rasmijn. Cu hopi nostalgia Jean ta recorda con bahando for di convertible dirigiendo su mes pa kleeckamer e ta scucha e gritonan di su fanaticonan. Momento cu Jean a subi stage pa competi e ta corda cu miradan tabata bay full rond den stadion pa busca e lugar di su fanaticonan. Na momento cu Jean a mira su fanaticonan, el'a sinti'e hopi sigur di su mes. Alumnonan di Antonius College a pidi zuster Cecilia e bel di school pa bay haci buya den stadion. Chin Oduber mester a entrega e bel bek na zuster e siguiente mainta. Debi cu



Aki nos por aprecia Jean Lacle (Reina) den compania di su yiu homber Mark y nieta Darien



Chin tambe a celebra e triunfo di Jean te den oranan laat, a perde ariba y no a bay school mes; corda pa hiba e bel. Jean ainda ta corda cu Zuster Cecilia a rabia masha hopi mes pasobra e no por a bati bel e siguiente dia. Cu hopi emocion Jean ta corda e momento cu Prins (Tru) Egbert Ponson y Pancho (Lala) Ochi Oduber a eligi su persona como Reina di Carnival na unda cu el'a mira tur e fanaticonan cu a bin apoye cumenza baha abao for di e tribune y a cumenza bula waya pa acerca e stage.

Jean a ricibi un auto Fiat, Spaarbankboek cu 1000 florin, Aruba Hotel Association, Richard Tushik a regal'e un trip pa Puerto Rico, New York, St. Maarten y Curaçao.

Jane a representa Aruba dignamente den eleccionnan Internacional na St. Croix y Antigua. Eynan Jean a keda como segunda finalista y Miss Popular.

Jean awe ta mama di tres yiu: Saskia (33) Mark (31) Gino (29) y awor ta bendiciona cu cuatro nieto te ainda: Diego(10), Darren (8), Dyrone

(8) y Darien (1). Yiu nan y nietonan ta masha orguyoso mes cu tur e logronan aki di nan mama, abuelita Jean, Reina Hubenil y Reina di Carnaval.



Nos ta bolbe back den e dushi tempo di añanan sesenta y nos ta encontra cu un otro precioso hoy. Poco ta esnan cu tabata tin e suerte pa konkista dos corona di carnaval: Corona Juvenil y corona di Reina di Carnaval. E suerte aki a toca Jean Lacle. Awe nos kier comparti e soño aki cu a bira un realidad. Jean ta recorda cu hopi nostalgia e momentonan hopi special di su bida. Jean,

SOLO Di Pueblo Bahul di recuerdo

Edwina Croes Reina di Carnaval 1968 Representando Club Estrella Santa Cruz



Karel tabata hibando e bistrir pa Edwina na Caribbean Hotel. E momento ey Karel a spanta y a pidi polis pa yud'e pa hiba e bistrir pa Edwina Caribbean Hotel. E fanaticonan di Estrella cu a bay apoya Edwina tur tabata den shock debi cu e maestro di ceremonia ta yama candidata no.3 Edwina Croes pa subi riba stage y Edwina no a presenta. Edwina ta yega Stadion hopi nervioso sinembargo e ta haya e oportunidad pa presenta como e ultimo candidata riba stage y asina mes e suerte a tok'e pa konkista e corona di Reina di Carnaval mientras e Runner-up a resulta, Ofelia Arends. Aunke cu tabata tin comentario cu ta e omo magnate di Edwina, Mo Yendi di Firma Jan Hendrik Croes, distruidor di e cigarra Antilla lo a cumpra e huradonan, pero tur hende por aprecia riba e potretran cu Edwina a merece e corona y te dia di awe Edwina ta luci keto bay manera un reina. Den e mes una aña aki Edwina a repenta Aruba dignamente den eleccionnan internacional na Antigua, Trinidad & Tobago y na Venezuela. Edwina a traha 32 aña den su beautisalon na Americana Hotel, pero debi na reconstruccion di e hotel, su beautisalon a cera. Actualmente Edwina mes a haya e prome oferta pa bolbe den Hotel Alegro na momento di nan apertura. Edwina actualmente ta propietaria di Joally's Beauty Parlor na Santa Cruz ya pa 3 aña. Edwina ta un 'beautition' profesional cu a yuda varios mucha muher di Aruba pa konkista titulonnan importante manera Miss Aruba, Reina di Carnaval y Miss



Edwina hunto cu su yiu homber Gian-Pierre cu ta studiando na Hulanda y su nieta Destiny.



Aki por aprecia nos libertador Betico Croes efectuando e acto di coronacion di Srta. Edwina Croes den Club Estrella na Sta. Cruz.

Teen.

Edwina actualmente ta felizmente casa cu Janchi Croes, Paloma Blanco di Santa Cruz y di cual matrimonio tin 3 yiu Joally (32) cu tambe tabata reina di carnaval na 1995, Gian-Pierre, (28) y Jordano (20). Edwina y Janchi ya tin un nieto Destiny (7) cu ta stima su abuelita hopi mes y ta manda un fuerte abrazo y un sunchi pa su abuelita Edwina y e ta sinti'e orguyoso di por tin un abuelita cu a marca historia como reina di carnaval..



Debi na e acogida asina grandi di nos seccion di bahul di recuerdo, nos a dicidi di amplia esaki na dos pagina. Ta un honor awe pa nos presenta na nos lector un otro prenda cu nos a encontra den nos bahul di recuerdo. Ta exactamente 38 aña pasa cu Prins (Patapata) Carlos Ras y Pancho (Bala bala) Augustin Croes a eligi Edwina Croes representando Club Estrella di Santa Cruz como e di 14 Reina di Carnaval 1968. Edwina un hobencita di apenas 18 aña di edad y bibando den bario di Pabilon na Santa Cruz, ya na e momento nan ey tabata cherce su profesion como peluquera hunto cu Aura Croes den Caribbean Hotel. Edwina ta recorda cu hopi nostalgia e momentonan inovidabel di su bida. Edwina su señora mama, Bertha tabata contra pa su yiu Edwina bay competi. Ta sra. Mani Croes di Janchi di Santa Cruz a bin convence mama Bertha pa laga Edwina participa pa e eleccion di reina. Pa e eleccion di reina aki tabata tin 18 candidata y Edwina tabata no. 3. E atardi aki Edwina tabata den Caribbean Hotel preparando su maquiyah e y peinado cerca Olga Oduber. ruman homber di Edwina, Karel a keda encarga pa busca trahe di Edwina cerca Rubia Dubero y Lienchie Oduber cu na e momentonan ey tabata haci e ultimo tokenan riba e bistrir oficial di Edwina. E anochi di eleccion Edwina a yega Stadion hopi laat debi cu su ruman homber Karel a haye involvi den un accidente cual a sosode na caminda net na momento cu





Bahul di recuerdo

Vilma Lacle, Reina di Carnaval 1969



(Chiki Chiki) den persona di Eddy Geerman y Pancho (Rion Rion) den persona di Robby Jansen tambe a cuminsa bula rond di candidatanan y na dado momento a bin dilanti cu Vilma Lacle di 20 aña di edad kende a keda eligi como Reina Di Carnaval 1969. Mientras e Runner-up a resulta Yolanda Maduro. Di Pepsi Cola Baseball Club

E momentonan aki ta keda semper graba den Vilma su corazon. Vilma a yega stadion bisti cu su mantel blauw den un Convertibel Thunderbird color geel maneha pa Dodo Wever. Vilma a luci masha elegante mes den su trahe color blanco confecciona pa Luis Herdee mientras su peinado y maquiyahé tabata bao encargo di Lourdes Albus. Tabata tin candidatanan fuerte manera Dority Garido y Yolanda Maduro. Un dia



prome ya Club Caribe a conquista e corona di Reina Hubenil den persona di Nancy Croes y ta pa e motibo aki tambe Vilma no a spera cu su persona tambe di Club Caribe lo resulta Reina di Carnaval. Vilma den e eleccion di Reina a experiencia algo cu nunca e por lubida. Awor e ta waak atras y e ta hari ora e corda tur obstaculo cu tabata tin den su caminda. Vilma tin tres yiu homber y si acaso e tabata tin un yiu mujer mes, nunca e lo no desea pa su yiu competi pa reina.

E pancho e tempo ey a eligi Vilma cu un cara di 'donderboos' pa motibo cu Vilma no tabata su candidata favorita. Na momento cu Vilma ta cla pa habri parada na San Nicolas, presidente



Nos flamante Reina Di Carnaval 1969 den compania di su esposo Sr. George Tromp. Aki nos por aprecia e corona cu e'a recibí como Reina di Aruba y sherp di Carnaval Queen di Caribe Club.

Bahul di recuerdo tin e honor di comparti cu otro precioso reina cu a marca historia den Aruba su Carnaval den aña nan sesenta. Tabata riba un diahuebs anochi den Wilhelmina Stadion na unda fanaticonan di Club Caribe a bay apoya nan candidata. Net algo despues di mey anochi e agrupacion di steel band a cuminsa resona e Road March ganador "She Pan an Pan am" di Ray Anthony Thomas. Mientrastanto maestro di ceremonia a cuminsa yama e 15 candidatanan riba stage pa asina por bay eligi e Reina di Carnaval No.15. Tabata reina un gran tension entre e candidatanan. Prins



di SAC a bin bisa nan pa bira na Radio Antiyana y bay direccion Playa pa motibo cu ta e runner-up, un candidata cu ta biba den San Nicolas mester bay na cabez di parada. Otro rumor cu tabata circula e mesun tempo ey, ta cu Vilma hunto cu su mayornan tabata tin un baby como un ruman adopta. Ciertu personanan cu no ta di acuerdo cu Vilma tabata reina di Carnaval a cuestiona cu e baby adopta, ta yiu di Vilma. Vima a recibí como premio un Toyota Corolla cual despues Vilma a us'e pa negoshi di Floresteria cu e tabata tin hunto cu su tata. Vilma ta e prome reina cu na Playa a baha for di carosa y cuminsa baila riba caminda, recibiendo fuerte

aplausu di e publico banda di caminda. Vilma tambe como reina di Carnaval a representa Aruba na Antigua den Miss Caribbean Queen y a resulta segundo finalista entre 35 pais. Vilma a traha hopi aña na aeropuerto Reina Beatrix na e compania Trans Caribbean cual compania a bira American Airlines despues. Vilma ta amante di naturaleza y e stima su siete cacho mescos cu yiu. Vilma a biba na Yukuri na Santa Cruz. For di su prome matrimonio e tin 2 yiu: Eliomar y Giomar Heronimo. Actualmente Vilma ta casa cu sr. George Tromp, Controleur di casino y di cual matrimonio tin un yiu, George-Dimar. Vilma tin tres nieto: Sheidy Dillon y e baby recién naci Steve y e ta super

orguyoso di su nietonan. E tin nan den oracion tur dia. Su casa George ta desea Vilma un happy Valentine y Vilma semper lo keda e reina di su curazon.



SOLO Di Pueblo Bahul di recuerdo

Carmen 'Cachita' Lacle Reina di Carnaval 1970



Prins (Sjors) den persona di Juancito Giel y Pancho (Sjimmie) den persona di Renee Laurens a cuminsa bula rond causando un gran tension entre candidatanan. Riba e tononan di Steel Band Prins y Pancho a bin dilanti cu Carmen Lacle, di Tivoli Club como Reina di Carnaval 1970. Mientras Rita Solagnier a resulta Runner-up. Carmen cariñosamente yama 'Cachita' ta un mucha muher bunita y elegante di apenas 21 aña di edad cu ta biba den Nieuwstraat na Playa. Un mucha muher cu a caba di gradua como maestra di school na APA. Carmen ta recorda cu hopi nostalgia e momento masha special aki di su vida. Carmen a yega Wilhelmina Stadion den un auto convertibel capa baha luciendo su bistir elegante blanco, confecciona pa Luisa Herdee mientras su peinado y maquiyah tabata bao encargo di Aura Croes. Carmen a yega Stadion un poco nervioso pa motibo cu e competencia tabata fuerte.

Awe nos kier a comparti cu nos lectoran otro precioso hoyu cu nos a encontra den nos bahul di recuerdo. Tabata diahuebs anochi, 5 di Februari 1970 net algo prome cu 12:00 y mey anochi na unda e maestro di ceremonia a cuminsa yama e 10 candidata riba esenario. Mientras cu



Nos flamante Reina di Carnaval Cachita Lacle den compania di su nieta Amelie, su señora mama y yiu Melany.

Tabata tin mucha muhernan bunita manera Rita Solagnier, Carmen Curiel, Minerva Noguera, Ritzma Wever y Evelina Bermudez. Tabata tin un grupo grandi di miembronan di Tivoli Club cu a bin apoya Carmen, tambe tabata presente un grupo di studiantenan di APA cu a haci un presentacion e anochi aki presentando un obra 'Amor di Kibaima'. Despues e grupo aki a permanece dilanti stage

y henter anochi nan tabata apoya Carmen totalmente. Carmen a recibi como premio un Toyota Corolla sponsored pa Amstel, tambe un teblachi di steel cu su nomber graba riba dje y un holoshi. Gezaghebber Oscar Wernet a efectua e acto di coronacion. Nos Reina di Carnaval 1970 actualmente ta disfrutando di su pensioen bon mereci despues di a traha 35 aña

como maestra di school y como part-time actualmente ta duna les di Spaño na Maria College tres bez pa siman. Carmen ta mama di un yiu Melany (20) y e feliz abuelita di Amelie (3). Tanto Melany y Amelie ta manda un sunchi y fuerte abrazo y nan ta sumamente orguyoso di por ta yiu y nieta di Carmen Lacle, Reina di Aruba su Carnaval cu a marca historia den aña 1970.





Jeanette Lopez-Henriquez Reina di Carnaval 1971



Den bahul di recuerdo nos a encontra un otro tesoro pa asina comparti cu nos lectornan den un Wilhelmina Stadion completamente yen, un hoben di apenas 17 aña di edad cu ta biba den Zepp Lampestraat, tras di Colegio Arubano na Playa. Jeanette a representa Club Caribe

dignamente. Den oranan laat di anochi a yega e momento definitivo y un candidata sobresaliente den e eleccion, Jeanette Lopez-Henriquez, ta logra conquista e corona y asina bira Reina di Carnaval 1971. E momento aki pa Jeanette

ta hopi special den su bida y ta recorda esaki cu hopi nostalgia. Nan tabata un grupo di 9 candidata bunita cu a bay competi pa reina, entre otro Dhaddy Brokke representando Dividivi Sportcentrum y Zoraida Muyale pa Tivoli club. Su mayornan Bob y Popy Tula ta esnan cu a curash'e y apoy'e totalmente pa e bay participa pa reina. Manera tur candidatanan di e temponan ey, Jeanette tambe a yega stadion den un convertibel capa baha maneha pa Dodo, yiu di Zepp Wever. Jeanette a drenta stadion den su bistir blanco, masha elegante mes

confecciona pa Catharin Antonette, mientras su peluquero y maquiyah tabata bao encargo di Lourdes Albus. Manera cu Jeanette a subi escenario su bista a cay riba su fanaticonan di Club Caribe, cu blaas y pompomnan color blauw .. Aunke Prins (Disc) Harold Helder y Pancho (Jockey) Ruben Garcia no tabata tin Jeanette como nan candidata favorito pero toch na final di anochi riba e ritmo di e roadmarch ganador di Lord Boxo, "Basha Awa Bay", nan mester a eligi Jeanette merecidamente como Reina di Carnival



Jeanette keto bai ta luci manera un reina, 25 aña felizmente casa cu Sr. Elio Heronimo.

1971, mientras cu e candidata favorito di prins y pancho Dhaddy Brokke representando Dividivi Sportcentrum mes a resulta runner-up. Jeanette ta un persona cu no ta gusta

cu el'a keda eligi como Reina di Carnaval y na momento cu e ta mira su fanaticonan cu hopi alegria y bao buya acercando stage, eynan ta e momento cu Jeanette



Jeanette den compania di su yui nan Marisol(24) y Alexis(23).

hari hopi pero e momento

a keda na harimento so. Jeanette a ricibi como premio un auto, holoshi, un renchi di diamanta y un spaarbankboek cu mil florin. Como reina di carnival Jeannette a representa Aruba den eleccionan internacional na Antigua St. Croix y Venezuela. Jeanette a wordo corona pa gezaghebber mr. N. Henriquez. Algo cu Jeanette no por lubida ta e acogida grandi y aplauso cu el'a ricibi di mirones nan banda di caminda na momento el'a habri parada di carnival no. 17 riba su carosa. Awe Jeanette keto bay ta luciendo manera un reina. Jeanette a traha cu su tata Bob pa varios aña na Boulevard Shopping Center y actualmente e tin 20 aña trahando na Gandelman Jewelry. Sheidi (7), Dylan (4) y Steve (2) su nietonan ta manda un fuerte abrazo y sunchi pa mama Jeanette y nan ta hopi orguyoso di tin un oma bunita cu tabata ta un Reina di Carnaval 1971.





Sylvia Werleman, Reina di Carnaval di Aruba na 1972

Representante di Club Estrella

Sylvia Werleman ta yiu muher di sra. Angelica y sr. Apolonio Werleman. Un mucha muher simpatica di 18 aña di edad di Kas Ariba na Santa Cruz; un persona masha popular den añanan setenta. Sylvia tabata un mucha muher cu tabata practica diferente deporte entre otro volleyball, basketball y landamento. Ainda Sylvia ta recorda e momento cu despues di a yega cas cansa di les di landamento ta encontra sra. Elsa Geerman sinta den sala na cas. Aki nan a informa Sylvia mesora cu Elsa a acerke pa bay competi pa Reina di Carnaval pa Club Estrella. Despues di a competi cu cinco mucha muher pa Club Estrella, Sylvia a bira e maximo ganadora pa asina bay representa Club Estrella na Stadion.

Mesora preparacion a cuminsa! Su mama Angelica kende tabata un fanatico grandi di Carnaval, mesora a scoge un diseño pa e bistir di Sylvia. Aki tambe a acerca sra. Ina Geerman Werleman pa confecciona e bistir. Make-up y hair dresser tabata na encargo di Freddy di Siribana. Sylvia a prepara su mes y a bay bisti na cas di sra. Mary Henriquez Croes kende tabata biba net pabao di stadion. E anochi di eleccion Sylvia ta yega Wihelmina Stadion den un convertible cu capa baha. Un poco nervioso ya cu un grupo grandi di 14 candidata lo bay competi pa e corona di Reina di Carnaval. Un competencia fuerte tabata e representante di Talk of the Town, Glenda Maduro, representante di Connie Francis Club, Sandra Werleman y Maria Croes, casa di minister Ramon Lee, kende a representa distrito di Santa Cruz. Otro representantenan fuerte tabata Jeanna Oduber di Club Caribe y Sara Oduber di Tivoli Club. Manera cu Sylvia a subi escenario su miradanan ta cay riba su gran fanaticada cu a bin apoye cu blaasnan di color oranje. Mesora Sylvia a waak cu e apoyo di Club Tivoli y Club Caribe tambe tabata hopi grandi. Despues di mey anochi prins Travellers, den persona di Buchi Lacle y Pancho Checks den persona di Milo Ras a cuminsa baila rond di candidatanan riba stage causando un gran tension bao di e candidatanan. E agrupacion di



Steelband tabata resonando e cancion "Basha Awa Bay" di



Lord Boxoe. Diripiente Sylvia su miradanan a capta e momento cu Prins y Pancho a trek mannan di Sara Oduber di Tivoli Club pa bay dilanti como Runner-up. Sylvia na e momentonan ey tabata duda cu ta su persona lo

Gomez y mama di 3 yiu Penelope, accountant, Francis, civil engineering y Giovanni, mechanical engineering. Su nietanan Megan y Milanie ta manda abrazo y sunchi pa nan abuelita y nan ta orguyoso di ta e nietonan di Reina di Carnaval 1972, Sylvia Gomez-Werleman.

sali reina y su mannan tabata tembla di emocion. Un rato despues prins y pancho a trek mannan di Sylvia Werleman, representante di Club Estrella como Reina di Carnaval 1972. Sylvia ta recorda ainda con el'a mira e grupo grandi di amigo y fanaticonan bula waya y acerca e stage bao grito di alegria. Sylvia a bira ganadora di un Toyota corolla color oranje, alavez Sylvia a recibi un renchi di oro blanco cu diamante y un holoshi Gearardjerregaux. El'a ricibi 2 pasashi pa Miami unda hunto cu su mama nan a hospeda na Hotel Fontain Blue. Sylvia como Reina di Carnaval mester a host Reinanan di Curaçao, Venezuela y Sto. Domingo cu tabata na Aruba. Tabata tin un boat trip e mainta di parada grandi. Sylvia ta recorda cu no tabata tin mucho tempo pa drecha cabey y peluca tabata na moda. Asina tambe Mary Henriquez Croes a presta Sylvia su peluca. E carosa tambe a yega laat y asina tambe Sylvia a habri parada di carnaval na pia recibiendo un gran aplauso di e publico presente. Sylvia te awe ta luc manera un reina, ama di casa checutiva y alavez directora di Catalina Residencial. Felizmente casa pa 34 aña cu Francisco



Carlo & Partners
BUILDING COMPANY
RENOVATION / CONSTRUCTION
RESIDENTIAL / COMMERCIAL

Let us build your dreams!

Quality products • Excellent customer service
On schedule delivery time • 13 years of experience
Reasonable prices • Paint work • Renovations
Fence building • Floor job • House construction

TEL: 5944366-FAX: 5854863

OFFICE HOURS MON-FRI 8 am - 5 pm SAT 8 am - 12 pm

BALASHI 67

SOL Di Pueblo Bahul di recuerdo

Recordar es vivir Pamela Brown Reina di Carnaval 1973



Den bahul di recuerdo nos a encontra un otro esplendoroso reina cu a marca historia den Aruba su Carnaval No.19. Tabata riba un Diabierna den oranan di marduga na unda cu e Roadmarch ganador 'Haragan ta den bo cas' di Lord Boxoe a cuminsa resona den Wihelmina Stadion. Mes momento Maestro di ceremonia Ronny Brete y Gina Ponce a cuminsa yama e 16 candidatanan riba stage en espera di e resultado final. Prins

(Check- In) den persona di Gregory Geerman y Pancho (Check- Out) den persona di Padu Bislick tambe a cuminsa bula riba stage rond di e candidatanan. Tabata reina un inmenso tension bao di e candidatanan. Gran sorpresa tabata na momento cu prins y pancho a bin dilanti cu Pamela Brown di 19 aña di edad representando Distrito di San Nicolas como Reina di Carnaval 1974. E Runner-up a resulta Maureen Viera. Pamela,



un hoben di Lago Heights ta recorda e momento special aki di su bida. Pamela a bay competi just for fun y nunca a imagina su mes cu e por sali reina di carnaval. Ta su ruman muherman, Joyce, Chida, Bibi y Ethel a encurasha Pamela pa bay competi pa reina. Nan a busca Viana Auto Supply como sponsor.

Pamela a drenta Wihelmina Stadion porta banda di pariba den un convertibel cu capa baha luciendo masha elegante mes den su bistir blanco cu flor licht blauw diseña pa su ruman muherman, Joyce y confecciona pa Ida De Windt di Playa. Su maquiyah y peinado tabata bao encargo di Aurora Tromp. Como premio

Pamela a recibi un auto Toyota Corolla. Alavez Pamela a representa Aruba dignamente na Antigua den e certamen Miss Caribbean Queen y a keda como First Runner-up. Na Venezuela tambe Pamela a representa Aruba na Venevision y a gana e titulo maximo: Miss Cupido. Mayornan di Pamela, Louis y Graciela

tabata orguyoso di nan yiu muher y a apoy'e totalmente. Despues di coronacion riba invitacion di SAC Pamela a acudi pa un brindis na Hotel Trocadero. Algo cu semper a keda graba den Pamela su curazon ta cu San Nicolas tabata sumamente orguyoso di Pamela. Ora el'a pasa den Sint Maartenstraat

den Village, un multitud grandi di persona tabata celebrando, bailando y gozando cu e triunfo di Pamela. Pamela tabata e prome candidata di San Nicolas cu a conquista e corona di Reina di Carnaval. Despues Pamela a dirigi su mes pa cas di su ruman homber Errol na unda nan tabata tin un



Nos flamante Reina di Carnaval 1973 den compania di su yiu Scarlet y su esposo Billy.

brindis chikito. Pamela a recibi gran aplauso di e publico banda di caminda na momento cu el'a habri parada No.19 riba un carosa den Aruba su Carnaval. Pamela a traha 10 aña cu ALM y 10 aña cu Air Aruba na Aeropuerto Internacional Reina Beatrix. Actualmente

Pamela ta ama di cas, mama di un yiu, Scarlet cu ta un estudiando como wiskundelerares na Hulanda. Pamela ta felizmente 27 aña casa cu Billy Hassel cu a traha varios aña na TeleAruba y actualmente ta trahando na Yellow Pages. Atraves di distancia Scarlet ta manda un fuerte abrazo y sunchi

pa su mama. E ta hopi orguyoso di por ta yiu di un Reina di Carnaval 1973. Billy ta manda bisa Pamela cu semper e lo ta e reina di su corazon. Billy ta manda su curazon pa Pamela y desee un Happy Valentine's y di aki Billy ta invita Pamela pa un dinner nan dos so, cozy, cozy!



Bahul Di Recuerdo

564-1064

Grecelle Croes Reina di Carnaval 1974



Aki nos por aprecia e re-encuentro di Prins lenga den persona di Robby Jansen hunto cu pancho coriente den persona di Vale Croes recordando e momentonan cu nan a eligi Grecelle Croes como reina di carnaval 1974.

Grecelle Croes un simpatica na Playa cu a finaliza mucha muher di Beatrixstraat su Mavo na Mon Plaisir

College y despues a sigui su estudionan na Brown School. Grecelle tabata tin apenas 19 aña di edad na momento cu e miembronan di Club Caribe cumprando votos a eligi Grecelle como Reina di Club. Grecelle su mayornan ta Herbert Croes q.e.p.d. y su Mama, sra. Ellen tabata orguyoso di nan yiu muher. Mesora rumannan di Grecelle, Helen, Esther, Elaine q.e.p.d y Herbert a cuminsa traha duro pa asina Grecelle por representa Club Caribe pa eleccion di reina di carnival.

Su traha oficial tabata un bistir blanco di un diseño di bistir di bruid di su ruman muher, confecciona pa sra. Anthonette di San Nicolas mientras cu e mama di Grecelle, sra. Ellen a borda e bistir completamente na man. Su maquiyahe tabata na encargo di sra. Albus. E fuerte candidatanan cu a



Fanaticonan di Caribe Club a bula den halto di alegria na momento cu Prins Lenga den persona di Robby Jansen y Pancho Corriente den persona di Vale Croes a bin dilanti cu Grecelle Croes como Reina di Carnaval di Aruba 1974. Runner-up a bira Esther Marugg di Esso Club. Door di tanto alegria y emocion Grecelle su ruman muher a cay for di un stoel. Esaki tabata e di 20 aña cu Carnaval tabata ser organiza aki na Aruba y como premio Grecelle a ricibi un auto Datsun.

Grecelle a traha un tempo cu su ruman muher Elaine q.e.p.d na Hoffi Elain. Actualmente ya pa varios aña e ta trahando na Colombian Emeralds.

Actualmente Grecelle keto bay ta luciendo manera un reina y ta mama di dos yiu: Murielle y Amylaine. Grecelle ta un abuelita feliz di 4 nieta: Nina (4), Gabriella (2), David (10 luna) Yrausquin y Thomas Brown (1). Nietonan di Grecelle ta sumamente orguyoso di por tin un abuelita cu a marca historia como Reina di Carnaval na 1974.

competi hunto cu Grecelle tabata Mevis Dirksen pa Sta.Cruz, Elfrida Oduber pa Club Estrella, Lourdes Petrochi pa Club Caiquetio, Ada Luidens pa Connie Francis, Milda Maduro pa Oranjestad, Sixta Franken pa Noord, Astrid Croes pa Brazil, Palmita Theysen pa San Nicolaas, Elke Heemels pa Tivoli, Esther Marugg pa Esso Club, Emily Oduber pa Paradera, Elvia Croes pa Savaneta y Yvonne Guicherit p a Mariniers.

Grecelle na dado momento a bira hopi nervioso pasobra e no tabata acostumbra cu tanto fanatico y tanto comentario rond di su persona. Algo despues di 8:30 anochi Grecelle a subi escenario como candidata no.13. Manera cu Grecelle a subi escenario ya su bista a cay riba e gran fanaticada di Club Caribe cu a bin apoy'e cu blaas color blauw. Pa parti oficial Grecelle wordo acompaña pa dos mucha chikito bistir na Indian cu ta simbolo di Caribe. Grecelle a conquista e corazon di un grupo di hurado extranhero cu hasta a subi stage pa waak e candidatanan di cerca.

Tabata den oranan di marduga unda e maestro di ceremonia Ronnie Brete a

yama e 14 candidatanan riba e escenario. E agrupacion di steelband tabata zonando e raodmarch " Ding Dong ", mientrastanto Prins y Pancho a cuminsa bula y baila rond riba stage causando un gran tension entre e candidatanan.





Reina di Carnaval 1976 "Marieta Tromp"

Representando
Amity Organization



Amity Organization tabata un organizacion di un grupo di hubentud di Sta. Cruz; por bisa esun di mas grandi di nos isla den añanan setenta encabeza pa Rudy Croes y Ronald Lopez. Marieta Tromp di 21 aña di edad a keda acerca pa representa e organizacion di hubentud den eleccion di Reina di Carnaval.

Manera e eleccionnan e tempo ey, Marieta a luci un trahe blanco confecciona y bunita acaba pa costureria "La Elegancia" di su tanta Inchie Erasmus Kelly. Marieta a haya full un preparacion for di Elizabeth Bikker kende alavez tabata su hairdresser y a haci parti di maquiyage. Marieta a recibi entrenamiento intensivo di sr. Athan Lee y Elizabeth Bikker pa asina Marieta sinti su mes sigur.

Un grupo di 12 candidata a bay competi pa Reina di Carnaval na aña 1976. Na e momento cu maestro di ceremonia a anuncia "Marieta Tromp" como "candidata No.12.", e fanaticonan a cuminsa bula den laira cu gritonan

fuerte pa asina apoya "Marieta". Marieta subiendo pasarella por a seucha e zonido di brassband resonando den stadion pa asina apoya su persona. Marieta su miradanan ta cay riba su fanaticonan grandi cu 'pon pon' y blaasnan di color corra y blanco bulando den laira.

Aki elegantemente Marieta ta lanta su mannan pa saluda e grupo grandi cu tabata presente pa apoya su persona. Siguiientemente Marieta ta subi e escenario pa asina tambe haci su presentacion oficial pa miembronan di hurado cual tabata turistanan cu tabata menos cu 24 ora di bishita riba nos isla. Strooiselnan color corra a cuminsa zweef den laira decorando full stadion. Marieta ta recibi un boquet di flor pa despues elegantemente bay patras pa sinta riba su stoel. Marieta ta e prome reina cu a 'break the rules' debi cu el'a trece baile riba stage. Añanan siguiente SAC a sigui cu bailamento riba stage y ya e reinanan no mester a sinta mas riba un stoel. Eanochi a sigui cu Rey di Tumba, Robert Jeandorkende a entretere e publico



presente interpretando e tumba ganador "Ban Bons'e". Un rato despues e 12 candidatanan mester a subi e escenario pa bay tuma nan 'veredicto' final. Prins Coco den persona di Karel Arends y Pancho Robana den persona di Nelson Marquez a cuminsa bula y baila rond riba stage causando un gran tension bao di e candidatanan.

E agrupacion di steelband tabata resona y diripiente Marieta por a waak e momento cu prins y pancho trek mannan di e candidata di Club Caribe, Vivian Croes bin dilanti como Runner-up. Marieta tabata hala rosea grandi y su mannan tabata tembla di emocion.

Un rato despues prins y pancho a bin baila dilanti di "Marieta" y mesora nan a trek su mannan y trece "Marieta Tromp" como Reina di Carnaval 1976 dilanti. Marieta ta recorda e momentonan ey con un grupo grandi di hubentud representando "Amity Organization" a cuminsa bula den laira di alegria. Marieta a recibi como regalo un auto Toyota Corolla color oranje, un renchi di diamante, un cadeaubon di perfumeria, un set di cama y un tv. Despues Marieta a participa como candidata pa Miss Aruba y a gana e corona di Miss Aruba. Marieta a representa nos isla dignamente den e certamen di Miss Universe 1977 na Acapulco Mexico. Na Mexico Marieta a recibi e premio como Miss Prensa Mejicana.

Tambe el'a ricibi un oferta for di televisa pa asina studia canto baile y actuacion pa 12 luna largo. Marieta a tuma e oferta pero debi na circunstancia Marieta no a termina e studio. Despues cu Marieta a labora den sector priva pa 20 aña, actualmente Marieta ta na cas dedicando su tempo na su sra. mama Eugenia Tromp - Erasmus. Marieta su yiu muher mayor Carol

Rodriguez (28) ta residencia na Costa Rica y su yiu homber Lionell Bikker (23) ta studiando na Hulanda 'Business Administration'. Su yiu muher Regine Bikker (15) ta studiando na Aruba.



Directamente di Costa Rica Marieta su nieto Thomas (2) ta manda braza y sunchi pa su Oma Marieta y e ta hopi orguyoso di por ta nieto di Marieta Tromp, Reina di Carnaval 1976.

Aunke
añanan a
transcuri,
ainda
Marieta
ta luci
manera un
reina!!



Yiunan di Marieta: di robes pa drechi Lionel Bikker y amiga y Regine Bikker

SOLO Di Pueblo Bahul di recuerdo

Recordando

Helene Croes den aña '74 y '77



e resultado final. Prins (Debchi) den persona di Sonny Vrolijk y Pancho (Zeppelin) den persona di Lorenzo Flores tambe a cuminsa a bula riba stage rond di e candidatanan. Tabata reina un imenso tension bao di e candidatanan. Bao di grito di fanaticonan Prins y Pancho a bin dilanti cu Helene Croes di 18 aña di edad como Reina di Carnaval 1977 mientras cu e runner-up a resulta Nuris Dabian representando Esso Club. Helene a labora 14 aña na Alhambra como

supervisor na unda na 1994 su colega na a eligi'e como Reina Alhambra Casino.

Su Mayornan, sra. Cita Croes-Lacle y Chomy Croes tabata orguyoso di nan yiu muher y a apoy'e totalmente. Helene, awe ta mama di dos yiu, Jacon (23) y Kelvin (19).

Actualmente Helene ta laborando na SETAR como CSR. Atraves di Hulanda Helene ta haya un fuerte abrazo y sunchi di Jacon Edalitz y Edeline. Helene a haci nos un bishita aki na Solo Di Pueblo y a sorprende nos tur cu su beyeza. Añanan a transcuri y Helene a keda e mes un beyeza di aña 1977.



Helene Croes nos flamante Reina Hubenil '74 y Reina di Carnaval '77 keto bay luciendo manera un reina.



Helene Croes riba e anochi di entrega di su corona como reina hubenil hunto cu Kerel Vieira Runner-up y Eve Raven Reina hubenil '75



Den bahul di recuerdo nos a encontra cu un hoyo di reina cu a marca historia den Aruba su Carnaval. Na aña 1974 Club Caiquetio cu hopi entusiasmo cu color berde como apoyo a apoya nan candidata fuertemente y asina tambe a hiba e beyeza, Helene Croes pa konkista e titulo maximo: Reina Hubenil di 1974. Helene awor cu mas experiencia un bez

mas ta bay representa Club Caiquetio pa e eleccion di Reina di Carnaval '77. Tabata riba un diabierna den oranan di marduga na unda cu e Roadmarch ganador 'King Kong' di Lord Tito a cuminsa a resonar den Wihelmina Stadion. Mes momento Maestro di ceremonia a cuminsa yama e candidatanan riba stage en espera di



Recordar es vivir:

Vianca Hoek Reina Di Carnaval 1978

Representando Distrito di Oranjestad



di Vianca, Glenda Hek cu tabata reina di Oranjestad un aña prome. Bianca ta un persona masha simpel y tin un estatura impresionante y a opta pa bisti un bistir blanco simpel y cu su curpa elegante el'a sa di resalta riba e escenario e anochi aki. Bianca a sa di konkista e curazon di e miembronan di hurado cu su wowonan berde dominante, acompaña pa su sonrisa sensual. Su bistir a wordo confecciona pa su bisiña Candy Croes mientras su peinado y

makiyahe tabata bao encargo di Aurora Maduro. Ta e prome biaja y te ainda ta e unico candidata di Oranjestad cu a sa di konkista e corona. Vianca a recibi como premio un Honda Civic blanco, un holoshi di oro, un renchi diamanta y un spaarbankboek cu 1000 florin. Como reina di carnaval 1978 Vianca a representa Aruba dignamente den



certamen na Puerto Rico y na Venezuela den programa di Amador Bendayan na Venevision na unda Vianca a keda como cuarta finalista y Miss Sonrisa pa e eleccion di Miss Playa International. Su sra, mama Viola y su tata Simplicio tabata orguyoso di nan yiu muher cu tur logro aki. Despues cu Vianca a traha 18 aña den Casino na Hotel Concord, actualmente ta un ama di cas, felizmente 25 aña casa cu Dennis Arends y ta mama di 2 yiu homber: Brus (16) y Kevin (14). Su Casa y su yiunan ta manda bisa Vianca cu nan ta stim'e hopi mes y cu nan ta orguyoso di ta yiunan di Reina di Carnaval 1978.



Ta exactamente 28 aña pasa ariba un diahuebs 2 di Februari cu e soño di un hobencita di apenas 18 di edad a bira un realidad. Un hobencita simpel y cu un beyeza extraordinario cu ta biba den Korvetstraat, Playa Pabao. Den un Wilhelmina Stadion completamente yen di fanaticonan cu a bin apoya 16 candidata sumamente bunita, na final di e anochi aki Prins (Craps) Maikito Croes y Pancho (Baccarat) Randy Thiel a eligi Vianca Hoek di Oranjestad como e di 24 Reina di Carnaval 1978. Vianca ta recorda e momento masha especial

aki di su bida cu e aña ey tabata tin hopi candidata bunita mes manera Lynch Merryweather cu a bira Runner-up, Maureen Busby (Marines), Rita Werleman (Connie Francis), Madel Jacapucci (Esso Club), Mayra Rojas (Sta. Cruz), Sharisa Fijnje (Caribe) Yolanda Everon (Amity Organization) y hopi mas. Na momento cu prins y pancho a trek Vianca bay padilanti, e emocion aki tabata asina grandi cu Vianca no por a kere cu e ta esun cu a sali reina y a resisti. Esun cu a encurasha Vianca pa bay competi tabata e amiga



Rose Ann Lejuez un tesoro for di nos Bahul di recuerdo



Den Bahul di recuerdo nos a encontra un otro tesoro di Reina. Tabata exactamente 26 aña pasa na unda distrito di San Nicolas a apoya nan

candidata y asina a hiba e simpatica mucha muher di Orinocostraat Essoville, Rose Ann Lejuez di apenas 20 aña di edad na conquista e titulo maximo como Reina di Carnaval 1980. E eleccion aki a tuma lugar riba 14 di Februari, riba dia di San Valentino y premio aki a resulta un gran regalo pa sra. Grace, mama di Rose Ann pa mira e momento cu Prins En-Ronny Eckmeyer y Pancho-Nia, Maximo Rojas eligi su yiu muher como Reina di Carnaval 1980. Sra. Grace tabata e persona cu a waak e potencial den su yiu muher



pa participa den e eleccion aki y a apoya totalmente. Rose Ann tabata e prome reina cu a kibra e tradicion cu tur reina mester bisti blanco y a bisti e anochi di eleccion completamente na pcolor di plata. Sr. Ro Albertz a keda encarga cu Rose Ann su makiyahe y peinado mientras su bistir tabata confecciona pa sra. Quant y sra. Lita.

Ann ta e ultimo reina cu a ricibi un auto como premio y como recuerdo te ainda ta warda su coronu y sherp cu hopi orguyo y ta mustra esakinan na su yiunan y e generacion nobo nan den famia. Impresionante tabata e apoyo di e publico banda di caminda cu Rose Ann a ricibi na momento di a habri e di 26 parada di carnaval di



Tata di Rose Ann, Stanley y sra. Grace a sinti nan mes sumamente orguyoso di nan yiu muher. Rose Ann. a traha 10 aña den Hotel Concorde Casino y actualmente e ta ama di cas. E reina aki tin 21 aña felizmente casa cu Rossini Wauben di cual matrimonio tin 3 yiu: Dimitra (20) Emoni (16) y Shaneaux (9). Rose

Aruba riba carozu hunto cu Miss Universe 1979 Maritza Sayalero, ariba e ritmo di e Road March ganador Mighty Reds "Jummping Carnival". Rose Ann Lejuez ta keda skirbi den historia como nos Reina di carnaval '80, un reina sumamente elegante cu te awe ainda ta un reina.



SOLA Di Pueblo Bahul di recuerdo

Connie Yrausquin Reina Hubenil '78 y Reina di Carnaval '81



Nos flamante Reina di Carnaval Connie Yrausquin den compania di su esposo Mr. Allen Burnley y yuinan Lindsay (15) y Matthew (8).



Nos actual Minister Rudy Croes e tempo ey a duna Connie un bonbini na nos Aerpuerto Internacional na su yegada di Venezuela, unda Connie a representa Aruba dignamente y a resulta como prome finalista di Miss Playa International 1981.

Den bahul di recuerdo nos ta encontra cu otro esplendoroso reina cu a marca historia den Aruba su Carnaval. Hopi ta e mucha muherman cu ta soña pa konkista un corona como reina. No ta facil pa konkista dos corona, como di Reina Hubenil y Reina di Carnaval. E suerte aki a toca un mucha muher estudiante di Juliana School, den 2^o Mavo cu a bay representa su school dignamente. Tabata reina un tremendo tension bao di e candidatanan na momento cu maestro di ceremonia Ruben Garcia a cuminsa yama nan riba stage pa spera e resultado final. Prins (Shopping) den persona di Armin Maduro y Pancho (Paradise) den persona di Rignald Rafael tambe a cuminsa bula rond di candidatanan riba stage. E roadmarch ganador 'The Meaty' di Lord Boxoe a cuminsa rezona den Wilhelmina Stadion. Ruben Garcia a haci e pregunta na e publico: "Ta kico ta e punto cu un estudiante ta ricibi ora e ta excelente na school?? Aki prins

y pancho a bin dilanti cu candidata No.10 cual tabata number di Connie Yrausquin di apenas 16 aña di edad, kende a konkista e corona di Reina Hubenil 1978. Connie ta e ruman mas chikito di e cinco ruman muherman. Su rumannan: Susan, Sandra, Rayza y Joyce ta esnan cu a apoy'e totalmente. Su bistir a wordo confecciona pa Inchy Kelly di Ponton mientras su peinado y maquiyage tabata bao encargo di Ro Albertz. Aina Connie ta corda con na momento di a keda eligi como reina, e por a mira e studentenan di school y fanaticonan cu a bin apoy'e, baha for di tribune y bao gritonan di alegria acercando e stage. E bel di school a wordo presta pa apoya Connie. Den e momento di alegria batiendo e bel un estudiante accidentalmente a dal otro estudiante cu bel den cabez. Danki Dios cu esaki no tabata nada di gravedad.

Connie como Reina di Aruba su Carnaval

Connie awor cu mas experiencia ta haya e oportunidad pa bay representa Club Scaramouche den eleccion pa Reina di Carnaval. Venta di entrada pa stadion tabata wordo bendi na e cas di Linda y Jossy na Beatrixstraat 7, kendenan ta e mayorman di Connie. Cada persona cu cumpra kaarchi a haya un T-shirt di color cora cu e Lip di Scaramouche. Tur

fanatico tabata anhela pa haya e T-shirt pa motibo cu e tabata hopi bunita. E anochi aki Connie a conta cu un gran fanaticada unda cu stadion tabata yen di materialnan di apoyo di color cora. Den e aña aki ya e shownan di cada reina a haci nan entrada. Den Connie su presentacion oficial, Connie a subi pasarella cu 10 mucha homber bisti den toxido y a ricibi un rosa y a baila cu e mucha hombernan un pa un, te na e momento cu el'a yega riba stage. Connie a luci cu su bistir blanco masha elegante mes confecciona pa Yuyu Croes mientras su peinado y maquiyage tabata bao encargo di Elizabeth Bikker. Net algo prome cu 12:00 di mey anochi Roadmarch ganador, "Hail I" di Rastalinda a cuminsa rezona den stadion. Prins (Un biah mas) den persona di Papito Rafael y Pancho (Atrobe) den persona Humprey Obispo a cuminsa bula cu yabi den man rond di e candidatanan riba stage. Na e momento culminante prins y Pancho a bin baila dilanti di Connie Yrausquin, nan a tene su man y trece dilanti como Reina di Carnaval 1981. Connie tabata masha emocionada y no por a contene su lagrimanan di alegria. Mientras Mariana Werleman di Connie Francis Club a resulta como e prome finalista. E momento nan aki ta algo masha special den Connie su bida. Como premio Connie a ricibi un auto Toyota Corolla y un renchi di diamante.

Como Reina di Carnaval tambe Connie a representa Aruba dignamente na Margarita, Venezuela den e certamen di Miss Playa International compitiendo cu 50 pais y a logra e puesto di Prome Finalista. Connie a ricibi un gran aplauso di publico banda di caminda na e momento cu el'a habri parada: parada No. 27 di Aruba su Carnaval riba un carroza hunto cu Marjory Flemming, Reina Hubenil 1981. Connie a traha varios aña na ABN AMRO Bank. Awor Connie ta felizmente casa cu Allen Burnley. Connie ta mama di 2 yiu: Lindsay y (15) Matthew(8). Actualmente nan ta residencia na Kendall na Miami Florida na unda nan ta trahando den nan propio compania "Canterbury Trading" cu ta un compania di import y export. Di parti di tur ruman muher di Connie na Aruba atraves di e distancia aki, nan ta manda un fuerte



abrazo y sunchi pa Connie. Nan ta hopi orguyoso di por ta ruman di Reina Hubenil 1978 y Reina di Carnaval 1981.

Bahul Di Recuerdo

564-1064

Gianni de Cuba Reina di Carnaval di Aruba 1982

Giani ta yiu mayor di sr. Eddy y sra. Imelda de Cuba. Na e momento cu Giani a bay concursa pa reina di carnaval e tabata tin apenas 17 aña di edad, estudiante den examenklas na Colegio Arubano y tabata biba den Pasteurstraat na Oranjestad.

Giani, un hoben cu gusta carnival a bay atende un fiesta di Carnaval na Club Caribe. Nunca Giani por a imagina su mes cu na final di anochi su persona ta esun cu miembronan di Club ta scoge como Reina di Caribe. Giani te hasta a haya miedo di bay cas cu e corona di Caribe ya cu esey no tabata den su plannan pa aña 1982.

Mesora su mayoman y su rumannan Leilani, Edward (Dido), Joward (Joey) a cuminza apoy'e totalmente. Unicamente mester a

convence su tata Eddy cu na cumzamento no tabata mucho di acuerdo. Na momento cu Joseline Croes di Caribe a bira Reina Hubenil '82, papa Eddy a sinti obligacion pa laga Giani bay representa Club Caribe. Giani ta recorda cu su persona tabata e ultimo candidata cu a bay inscribi y confirma su participacion na SAC.

Tur miembro di Caribe Club hunto cu tanta Palmira y Ariele Croes mesora a cuminza haci preparacionnan necesario pa Giani su participacion. Giani ta corda cu su trahe oficial tabata un bruidsjurk di su prima Josie Ponson, kende a casa algun luna prome. Giani tabata preocupa pa motibo cu den un tempo record e mester a trece e bistir for di Venezuela pa asina haci e cambianan necesario. Entre otro mester a kita e cola ect... Mientras

cu su sra. Mama Imelda hunto cu tanta Palmira ta esnan cu a acaba e bistir y pone piedranan briyante. Giani ta hari ora e mira atras cu su bistir tabata un bistir di bruid. Mientras cu awendia candidatanan ta presenta cu bistiran costoso bon decora y acaba.

Riba dia di eleccion na cumzamento di dia Giani tabata trankil. Te na momentonan cu el'a bay Aurora's Beautisalon pa prepara maquiyah e cabey, ta na unda nervio a drenta su curpa.

Un grupo di 18 candidata a bay competi. Tabata tin candidatanan fuerte entre otro Irene Perez, Lidwina v/d Linden y Alicia Croes. Ciertu momento a pasa den Giani su pensamiento cu lo ta dificil pa gana e corona e anochi aki ya cu un siman prome Joselyn Croes di Caribe ya a bira Reina Hubenil di Aruba y



lo ta dificil pa Caribe haya tambe e corona di Reina di Carnaval. Esey a pone cu Giani a haci su maximo esfuerzo pa su presentacion por sobresali riba e otro candidatanan. Giani poco nervioso ta subi escenario pero mesora su mirada ta cay riba e gran

fanaticada di Club Caribe cu a bin apoy'e haciendo buya cu alarma blaasnan y pom pomnan blauw. Na final di anochi maestro di ceremonia ta yama e candidatanan riba escenario pa asina anuncia e resultado final. E tumba ganador "Hiep Hiep Hoera" di Ito Danje a cuminza resona



den stadion. Prins Carnaval den persona di Mayinio Rojas y Pancho sin igual den persona di Ronny Eckmeyer a cuminza bula riba stage causando un gran tension bao di e candidatanan. Fanaticonan a dal gritonan di alegria na momento cu Prins y Pancho a trek man di Gianni de Cuba di Club Caribe como Reina di Carnaval 1982. Runner-up a keda den persona di Arletta Alexander di

Trappers Club. Como Reina di Carnaval Gianni a recibi un auto como premio y alavez a atende Festival di Merengue na Republica Dominicana.

Giani ta bibando 24 aña na Melbourne, Florida. A studia y gradua na Florida Institute Technology. Actualmente e ta trahando na Merca na Harris Corporation como Senior Software Engineer. Gianni ta



felizmente casa cu Fariborz Zanganeh, Supervising Professional Engineer y e ta mama di tres yiu: Tatiana (16), Ariana (12) y Kiana (9). Yiu nan di Gianni ta wife Gianni will be Forever the Queen of his heart. Cu esaki Fariborz alavez ta desea su queen, Gianni un 'Happy Valentine'.



Riba e foto aki nos por aprecia nos reina Gianni kende keto bay ta luciendo manera un reina. D.r.p.d. Tatiana, Farborz, Kiana, Ariana y Gianni, nos flamante Reina di Carnaval 1982.





Bahul Di Recuerdo

564-1064

Moira Lioe-A-Tjam

Reina Carnaval di Aruba 1983



Moira di Pastoor - Bislik y sr. Jozef Lio-A-Tjam, Hendrickstraat San Nicolas ta yiu muher di mas chikito di sra. Lucia Lioe-A-Tjam

- Bislik y sr. Jozef Lio-A-Tjam, Moira tabata tin apenas 4 luna laborando na Concorde



Hotel como Food & Beverage cashier. Humprey un colega di Moira ta esun cu a yama Moira y avisa Moira cu e gerente di Concorde Social Club, German Gerr ta interesa pa Moira bay representa Concorde den eleccion pa reina di carnaval. Moira ya na 1981 a representa San Nicolas pa Reina Hubenil y e no tabata interesa mas pa bolbe competi pa reina. Su ruman muherman: Stella, Myrna, Diana mesora a convenc'e pa bay participa. Un grupo grandi di amigonan entre otro Helen Wells, Astrid Winterdal, Daisy Neuman y Aishel Webb a cumenza prepara Moira pa su participacion. Sra. Carmita Quant a scoge e diseño pa e bistir oficial y a confecciona y acaba e bistir di color blanco. Maquiyahé tabata na encargo di sra. Elizabeth Bikker. Un bunita show

prepara pa sra. Elizabeth Bikker unda cu Moira a baila cu su hofheren un pa un riba stage. Moira a subi



Wau!!!! Que belleza , aki nos por waak cu aunque cu e añanan a transcuri Moira a keda cu e mesun belleza di añanan ochenta.

stage como candidata no.19 y mesora su bista a cay riba e apoyo grandi di e publico presenta y tambe tabata tin un banda riba un trailer den publico pa apoya su persona. Den oranan di marduga maestro di ceremonia a yama e 21 candidatanan riba stage pa asina duna e resultado final. Roadmarch ganador 'Ge-Ge' di Lord Boxoe a cuminsa resona den Wihelmina Stadion. Prins y Pancho a cuminsa jump riba stage causando un gran tension bao di e candidatanan. Fanatico nan a bula den halto y por a scucha e gritonan di alegria na momento cu Prins Check den persona di Edmundo Tromp y Pancho Point den persona di Robert Hieroms a trek man di Moira Lioe-A-Tjam como Reina di Carnaval di Aruba 1983. Runner-up a bira Rossana Lee di Santa Cruz. Moira a recibi un auto Nissan como premio y alavez a representa Aruba den Carnaval di Baranquilla y Carnaval di St. Maarten. E momento special aki semper lo keda graba den Moira su curazon. Moira a traha 3 aña na Hotel Concorde y despues na Golden Tulip y na Freezone. Actualmente Moira ta laborando na Centro Medico San Nicolas. Den su oranan liber, e ta dedica esaki na su pareha y yiunan. Moira ta feliz mama di 3 yiu: Djurick (19) Sechelle (14) y Malik(9).MoiraLioe-A-Tjam ta otro beyeza di Aruba cu a marca historia como Reina di Carnaval di Aruba1983.

SOLO Di Pueblo Bahul di recuerdo

Reina Hubenil '77 Maristella Geerman Reina di Carnaval '84



Den Bahul di recuerdo nos a encontra otro precioso hoyo. Hopi hoben ta aspira pa konkista un corona di Reina. Poco ta esnan cu a toca e suerte pa logra dos corona di carnaval,

Reina Hubenil y Reina Di Carnaval. E suerte aki a toca un mucha muher di apenas 15 aña di edad bishitando Sint Antonuis College na Santa Cruz



den Mavo 2. Road March ganador, 'King Kong' di Lord Tito a cumenza resona den Wilhelmina Staddion, fanaticonan di Connie Francis Club a cumenza bula den laira cu nan blaas y pon-pon nan color blauw en espera di e decision final. E 20 candidatanan ta sinti nan mes nervioso na e momento cu Prins (Check) Ernie Tromp y Pancho (Color) Humprey Obispo a cumenza bula rond riba escenario. Net algo prome cu 12or mey anochi bao

di e grito nan di e maestro di ceremonia Ruben Garcia, Prins y Pancho a eligi merecidamente Maristella Geerman como Reina Hubenil 1977 y Runner-up Mayrin Croes di Amity Organisation. E momentonan special aki ta graba den Maristella su corazon. Rita Werleman ta e persona cu a acerca Maristella pa prome biaha pa bay competi pa reina. Ainda Maristella ta corda con e por a waak tur su fanatico y amigonan baha



for di tribune y acercando stage bao gritonan di alegria na e momento cu el'a keda eligi como reina. Debi na tanto fanaticonan cu a subi riba stage, e stage a colapse y Maristella y Ruben a cay abao. Danki Dios cu no tabata nada di gravedad.

Maristella como Reina di Carnaval 1984

Maristella awor cu mas experiencia a bay representa su distrito di Santa Cruz den eleccion

pa Reina di Carnaval. Ya den e eleccionnan aki caba e shownan den eleccion di reina a cumenza haci nan entrada. Maristella a presenta inoficialmente den su trahe carnavalesco y despues a luci su trahe oficial confecciona masha elegante mes confecciona pa su propio señora mama, Ina Geerman. Su peinado y maquiyah ta bao encargo di Sita Roos. Nan tabata un grupo di candidatanan fuerte pa konkista e corona, entre otro Jeanine Thiel, Riri Bota, Viveka Croes, Zuly Croes, Aura Geerman, Vivian Kock y mucho mas. Maristella a wordo respalda totalmente pa su propio familiares y alavez pa e grupo di AMG di cual su persona tabata forma parti y asina huntu nan a prepara materialnan di apoyo. Otro momento cu Maristella ta recorda cu hopi nostalgia ta e momento cu den Club RCA e Roadmarch ganador di Mighty Talent, "30 Years Fall Down" a cumenza resona y tur

candidata a cumenza subi stage huntu cu Prins (Gayo) Ivan Giel y Pancho (Goyo) Gregory Tromp. E momento culminante tabata acercando y bao e buya di fanaticonan, Maristella Geerman di 23 aña di edad di Santa Cruz a konkista e corona di Reina di Carnaval 1984. Mientras Jeanine Thiel di Estrella Club a resulta Runner-up. Despues di coronacion e celebracion a tuma lugar den Connie Francis Club. E tempo ey Maristella ya tabata tin compromiso pa matrimonio y e anochi ey mes el'a bay presta telefoon di su bisiña pa asina por a comparti e noticia di su triunfo cu su comprometido, cu na e momentonan ey tabata studiando na Hulanda. Maristella a habri parada di Carnaval di Aruba No.30, no riba carozza pero den su raod piece masha luhoso recibiendo un gran aplauso di mironesnan banda di caminda.

Maristella ta felizmente



Maristella keto bay luciendo manera un reina den compania di su esposo Dr. Meelis y su yiunan Ghislaine porcierto pinto su mama, Jean-Marten y e popchi di cas cu wowo blauw, Isabella.

casa cu Dr. Marcel Meelis di cual matrimonio tin 3 yiu, Ghislaine (17) Jean-Marten (15) y Isabella (12) cu ta un popchi cu wowo blauw masha bunita mes y cu den futuro tin gana di sigui e pasonan di su mama den eleccion di Reina. Maristella su yiunan ta orguyoso di nan mama cu dos biaha a konkista e titulo di reina: Reina Hubenil na 1977 y Reina di carnaval na aña 1984. Di parti dr Meelis Maristella lo keda

pa semper e reina di su corazon.



SOLO Di Pueblo Bahul di recuerdo

Wendy Geerman, Reina di Carnaval 1986



Den bahul di recuerdo nos ta encontra cu un otro reina precioso cu a marca historia den Aruba su Carnaval. Tabata riba un diahuebs anochi 7 di Februari den Don Elias Mansur Ball Park unda cu maestro di ceremonia a cuminsa yama e 18 candidatanan riba stage pa asina spera e resultado final di miembronan di hurado. Prins (Full) den persona di Jeffrey Schuilenburg y Pancho (Swing) den persona di Giovanni Arends a cuminsa baila rond causando un gran tension entre e candidatanan. Riba e ritmo di e Roadmarch ganador "Move your hips" di King John, Prins y Pancho a bin dilanti cu candidata

No.6 Wendy Geerman representando distrito di Santa Cruz como Reina di Carnaval 1986. Mientras

cu e Runner-up a resulta Dilailah Odor. Esaki ta un momento masha special den Wendy subida Ta su persona ta esun cu a bira e prome Reina di Carnaval di Pais Aruba den Status Aparte. E anochi aki e competencia tabata hopi fuerte. Tabata tin candidatanan bunita entre otro Ludwina v/d Linden di Natural Health Center, Lisandra Ponson di Club Caribe, Dilailah Odor di

Heat Fire Revue. Wendy su rumannan Adeline y Ricky ta esnan cu a encurasha Wendy pa bay competi pa reina, su ruman homber mayor Louis hunto cu su mayorman Eti y Jacintha a apoy'e totalmente. E aventura aki pa Wendy nunca mas e lo lubida. Ya Santa Cruz a conquista e corona na aña '84 y '85 pesey tabata un reto pa Wendy retene e titulo na aña



Nos flamante Reina di Carnaval '86 keto bay ta luciendo manera un Reina akinan den compaña di su yiunan Akeem y Thalia y su sra. mama Jacintha.

'86. Pesey mes mester a busca algo cu por impacta riba stage. Asina tambe a surgi e idea pa un shoulder piece di Octopus cu a wordo traha pa Ruthline Geerman pa asina e por combina cu su bistir blanco. Wendy a luci masha elegante mes den su bistir blanco un diseño cu el' a recibi di sra Mani Croes y confecciona pa Theresita Palfit. Su makiyahe y peinado tabata bao encargo di Elizabeth Bikker y alavez Elizabeth tabata duna Wendy shot di vitamina pa asina calma su nervionan y dun'e briyo. Wendy a recibi di SAC 5000 florin como premio. Tambe Wendy a haya e oportunidad pa biaha pa Carnaval na Santo Domingo y alavez a

asisti na Miss Fiesta na San Antonio, Texas. Den Calle 8 na Miami Florida tambe Wendy a representa Aruba dignamente compartiendo escenario cu varios artista internacional. Actualmente Wendy ta traha como secretaria-administrativo na Warda Nos Costa y ta felizmente casa cu Edson Jacobs. Wendy tin dos yiu, Akeem di 14 aña y Thalia di 8

aña cu lo bai sigui e pasonan di su mama den eleccion di reina muy pronto. Ya caba su tanta Adeline tin'e na bista pa mande pa reina. Tanto Akeem y Thalia ta sinti nan mes orguyoso di por ta e yiunan di Reina di Carnaval 1986. Di parti su esposo e ta desea su esposa un Happy Valentine y pa semper Wendy lo keda e reina di su corazon.



SOLO Di Pueblo Bahul di recuerdo

Recordando Milda Tromp, Reina Di Carnaval 1988



Den bahul di recuerdo nos a encontra un otro precioso hoy. Tabata 18 aña pasa cu un otro soño a bira realidad pa un mucha muher di apenas 18 aña cu ta biba na Hooiberg na Santa Cruz. Un total di 14 candidata a competi e anochi aki. Na final di e anochi e Roadmarch ganador "More For 34" di Long Roy a cuminsa resona den Club RCA y bao di hopi buya y grito di fanaticonan Prins y Pancho a eligi merecidamente e representante di Americana Hotel, "Milda Tromp" como Reina di Carnaval 1988. Milda ta recorda e momentonan special aki di su vida. Milda for di chikito tabata sigui tur eleccion di reina y semper e ta pensa "Mare mi por sali reina, pa mi gana un auto". Net na aña 1988 na momento cu su soño a wordo realiza, no tabata tin auto como e premio maximo mas pa Reina di Carnaval. Sra. Chichia Werleman di Janchi tabata e persona cu a acerca Milda cu e peticion pa competi pa prome biaha pa reina. Y asina tambe Milda a representa Connie Francis Club y a keda como Runner-up pa Reina Hubenil 1985. Na 1988 Milda su deseo tabata ta pa wordo corona como Reina pa representa Santa Cruz pero net e aña aki e comision di Santa Cruz a pone un eleccion. Milda



a opta pa bay competi pa Reina di Canal 90 y aki ta na unda el'a bira Runner-up y Leoncita Rivera a bira e Reina pa Canal

90. Na e momentonan ey Milda no a give up y su persona a sinti cu di un of otro manera e mester bay participa toch pa Reina di

Carnaval. Aki ta unda cu Milda a acerca Hotel Americana y a haya e oportunidad pa bay representa e Hotel Americana. Milda ta recorda cu hopi nostalgia cu esaki si ta bay ta un eleccion fuerte ya cu e tin cu bay lucha pa sobresali riba Marjorie Flemming cu ya tabata un modelo profesional cu hopi experiencia riba tereno di eleccion di reina. Otro candidata fuerte tabata Leoncita Rivera di Canal 90 y Valeska Arendsz di Club Caribe. Ta den aña '88 show a cuminsa domina den eleccionan pa Reina y candidata nan mester presenta den un costume di Carnaval. Milda ta corda cu nan tabata un grupo di candidata cu a protesta



pa Marjorie no por presenta den e Crane di Brandweer pa motibo di seguridad pa e candidata nan riba escenario. Mientras cu Milda mes a wordo prohibi pa Milo Croes pa hiba e bailarinanan di Americana Hotel pa motibo cu segun sr. Milo Croes no por tin show exotico riba escenario. Milda a luci den su bistir color blancoy plata masha elegante mes, un diseño di Ondina Harms confecciona pa un señora Flamingin di Dakota. Su maquiyah y peinado bao encargo di Elizabeth Bikker. Otro personanan cu tambe a contribui masha hopi ta Gina Werleman y sra. Odor. Como premio 5000 Florin di Hotel Americana y 2000 florin di SAC.

E diabierna anochi aki 11 di Februari tabata un gran regalo pa señora Arminda Croes, mama di Milda ya cu ta e anochi aki e tabata recordando su fecha natal. Cu tur e polemica di e crane di Brandweer y e show exotico di Americana Hotel a pone e eleccion di reina aki bira 'talk of the day' na aña 1988, un di esnan semper recorda.

Despues di e acto di coronacion e fiesta a continua den Americana Hotel y aki ta unda Milda ta corda cu tabata tin varios bari di cervex pa e celebracion pero tur cervex tabata cayente. Milda ta trahando actualmente como agente di Inmigracion na Aeropuerto Internacional



Milda Tromp nos flamante Reina di Carnaval '88 den copampaña di su magnate esposo Juan Carlos hunto cu Shakira aña pasa durante promer santa comunion di Deni-Ann.

Reina Beatrix. Milda ta felizmente casa cu Juan Carlos "Batusa" Toro, kende ta security profesional di e compania Domesa y alavez ta e promotor kende aña pasa a organiza exitosamente e fiesta cu Grupo Niche y Frank Reyes. Milda ta mama di dos popchi,

Deni-Ann (10) y Shakira (5). Milda ta waak den su yiu muher Shakira cu posibilidadnan grandi pa futuro pa sigui e pasonan di su mama den eleccion di Reina. Un abrazo fuerte y un sunchi di Denni-Ann y Shakira. Nan ta orguyoso di tin un mama cu ta Reina di Carnaval 1988. Di parti su esposo Juan Carlos, e ta bisa Milda cu "Tu serás siempre la Reina de mi corazón".





Recordando Marjorie Flemming Reina Hubenil 1981 y 1st Runnerup Reina di Carnaval 1988

Marjorie Flemming, un pesonahe di carnaval cu a marca historia den Carnaval aki na Aruba. Marjorie for di muchatabata soña pa competi y gana un corona como reina. For di chikito tambe tabata activo den grupo di carnaval di Estrella bao direccion di sra. Elsa Geerman. Amiganan di Marjorie di St. Antonius College a curash'e pa e bay competi pa reina. Marjorie su ruman homber a apoy'e totalmente pa su participacion. Den añanan ochenta eleccion tabata hopi elegante y candidatanan tabata usa e diseño nan pa bistir di bruid. Marjorie a luci den su bistir color blanco bon acaba pa sra. Polita Albertz y Annie. Mientras cu maquiyah y peinado tabata na encargo di Elizabeth

Bikker. Eleccion a tuma lugar den club di RCA y tabata tin 22 candidata compitiendo pa e corona Hubenil. E Roadmarch ganador 'Hail I' di Rastalinda a cuminsa resona den stadion. Y den oranan laat di marduga fanatico-y Santa-Cruzeronan a dal gritonan di alegria na e momento cu Prins y Pancho hubenil den persona di Ali Tromp y Eddy Campos a trek man di Marjorie Flemming como Reina Hubenil 1981. Aki Marjorie a waak su soño bira un realidad. Portanan a habri pa Marjorie. Marjorie a bira un modelo profesional. Marjorie a competi den otro eleccionnan local y Internacional cu hopi exito. Marjorie tabata un trainer y consultant pa varios candidata cu a bay competi



Nos Libertador, Betico Croes efectuando acto di coronacion na Marjorie Flemming como Reina Hubenil di Sta. Cruz 1981



pa reina. Na 1988 un biaha mas Marjorie dignamente a bay representa Distrito di Santa Cruz. E biaha aki pa e corona di Reina di Carnaval. Marjorie semper tabata kier

a destaca riba escenario. E anochi aki el'a pone un multitud grandi para pa varios rato cara na laira den stadion pa asina aprecia e momento cu Marjorie a haci su entrada bahando for di laira den un

hijskraan di brandweer. Na e momento cu Marjorie tabata acercando stage, por a seucha e palabranan di MC anunciando cu Marjorie a wordo descualifica. Aki ta na unda John John



Coincidencia di bida
Riba e potret aki nos por aprecia Reina Hubenil 1980 di Colegio Arubano, Nicolette Vloemans hunto cu Marjorie Flemming, Reina Hubenil 1981. Awe ningun di dos ya ta cu nos. Tur dos ta den Reino di Papa Dios!

Flemming a puntra Marjorie si ainda e tin deseo pa haci su presentacion. Marjorie contento a bisa "Claro cu si! Mi no lo laga mi fanaticonan nacaya. Marjorie arepresenta Santa Cruz sin importa cu e ya tabata descualifica. Maestro di Ceremonia a yama candidatanan pa duna e resultado final. Y asina e roadmarch ganador "More for 34" di Long Roy a cuminsa resona den stadion. Prins y Pancho den persona di Jeffrey Schuilenburg y Roy Lintz a cuminsa bula

rond di e candidatanan y na dado momento a eligi Marjorie Flemming di Santa Cruz como 1st Runnerup, Reina di Carnaval. Reina di Carnaval a keda den persona di Milda Tromp. Segun opinion publico e eleccion aki a termina cu hopi controversia. Apesar cu Marjorie ya no ta cu nos mas, el'a laga atras un precioso popchi Zuria Flemming kende sigur ta hopi orguyoso di tur e logronan di su mami. (q.e.p.d.)



Awe tardi pa 2:30 na Top Fm nos lo repiti un entrevista cu nos a sostene cu Marjorie algun luna promer cu su fayecimiento.



Rachel Kraayvanger

Reina di Carnaval di Aruba 1993



Rachel Kraayvanger ta e unico yiu di sra. Sonia Ridderstap y sr. Shoki Kraayvanger. Rachel ta un mucha muher masha stima na Aruba cu a lanta den bario di Pabilon na Sta. Cruz. Rachel a bishita Colegio San Hose despues Sint Antonius College y finalmente a logra



Rachel tabata tin 17 aña na momento cu el'a bay representa Coastal den elcecion pa Reina di Carnaval. Ya den e temponan aki elcecion pa Reina di Carnaval a haya un cambio ya cu e candidatanan por a jump riba stage y alavez por a bisti un traha oficial colorido y no necesariamente mester ta blanco manera den añanan setenta y ochenta.

Rachel a bira masha nervioso debi cu na momento cu ya candidatanan tabata ser yama riba stage, na e momentonan ey ainda e no a

haya su zapatonan. Pa e parti di show, nan a train pa habri un tapijt chikito riba stage. Pero na e momento di e show oficial, Richard Dabian a hay'e cu hopi dificultad pa habri e tapijt corra cu nan a haya di Elsa's Flower Shop. Otro contratiempo cu Rachel ta corda, ta cu e persona cu mester a traha su speech tambe no a cumpli. Asina den parti oficial Rachel a resona su voz angelical riba escenario y a canta un cancion compuesta pa Melvin Garcia. Tabata e prome aña y ultimo tambe cu candidatanan mester a duna nan speech



den e parti oficial. Rachel a presenta un bunita show di Flora cu Fauna hunto cu su bailarinanan.

Diseño di su bistir a bin di John Flemming y Renny Lacle mientras e bistir a keda masha bunita confecciona pa sra. Marina Lampe. Su maquiyahe tabata na encargo di Erick Alexuis. Su hoyanan tur a wordo traha pa Marjorie Flemming q.e.p.d.

Tabata un diabierna anochi den Aruba Entertainment Center unda cu tabata tin un grupo di 16 candidata pa competi cu otro. Rachel a subi escenario como candidata no.4 y mesora e tabata e candidata favorita di e publico presente. Den oranan di marduga e roadmarch ganador, 'Throwing Water' di Mighty Talent a cuminsa resona den Entertainment Center. Maestro di ceremonia a cuminsa yama e candidatanan riba stage pa asina anuncia e resultado final. Prins y Pancho a cuminsa baila riba stage causando gran tension bao di e candidatanan. Bao gritonan di alegria Prins Wanta, den persona di Maikel Tromp y Pancho Duro, den persona di Melvin Garcia a ranca man di Rachel Kraayvanger di Coastal Club como Reina Carnaval di Aruba 1993. Runner-up keda den persona di Meredith Solognier di Colegio Arubano.



Aki nos por aprecia Rachel den un concierto grandi na Eindhoven interpretando un cancion en duo cu Lessley Vos di Curaçao. (17 December 2006)



Di r.p.d Chrisna, Sobella, modelo Lindsey Dijkhoff-Marquez y Rachel den preparacion pa Coastal Queen 1993.



Rachel a traha 2 aña na Bondia Aruba, 1 aña na First National Bank, 7 aña na ABN-Amro Bank. Actualmente Rachel ta na Hulanda unda e ta studiando 'logopedie' cu e gran deseo di por bin biba y traha aki na Aruba!

December aña pasa Rachel a wordo contrata pa canta den un show grandi di Pasco na Eindhoven y na momento cu Rachel a resona su voz, mesora el'a ricibi un gran aplauso di e publico presente. Fanatico- y ex- coleganan di grupo Cristal, Melange, Berea, coro Tutifruti, coro Voz Hubenil, coro Vlam di Amor y nos di Solo di Pueblo ta manda un fuerte abrazo y sunchi pa Rachel Kraayvanger, nos Reina di Carnaval 1993.

